

祝福

藏佇心肝底的 記持

你甘知影？

我為你寫一首 春天的詩

予你 開做焚烈的火蕊

有希望的燈塔

照佇烏陰的所在

親像

日頭把海湧照射咧光彩

藏佇心肝底的 記持

你甘知影？

我為你寫一首 夏天的詩

予你 茫渺的心坎

有柔軟的山

倚佇堅強的彼昇天

親像

開創永恆的向望

藏佇心肝底的 記持

你甘知影？

我為你寫一首 秋天的詩

予你 涼風微微吹

有溫柔的月娘恰尚光的星作伴

做一个尚嬌的夢

親像

七彩的虹恰美麗的夜空

藏佇心肝底的 記持

你甘知影？

我為你寫一首 冬天的詩

予你 霜雪的白色外衫

心內有闊莽莽的雲海

寂寞的時陣 擰頭看天頂

親像

看到世界的好風景